



**Consorzi da scoula
Ramosch-Tschlin**

UORDEN DA DISCIPLINA

30 SETTEMBER 2002

Relaschè da la radunanza dal consorzi dals 30 settember 2002 in basa a l'art. 61 da la ledscha chantunala da scoula dals 26 november 2000 e'ls statuts dal consorzi dals 28 avuost 2001.

I. Disposiziuns generalas

Intent e mera	<p><u>Art. 1</u></p> <p>¹Il uorden da disciplina serva insembel cul uorden da scoula ad obtgnair la mera da la scoula tenor la legislaziun chantunala ed a garantir üna gestiun da scoula reglada e cun üna mera clera.</p> <p>²El regla la cumpetenzza da las autoritats da scoula e da las personas d'instrucziun sco eir la procedura in cas da cuntravenziuns da scolars a la disciplina in scoula.</p>
Validità / terms	<p><u>Art. 2</u></p> <p>¹Il uorden disciplinar es valabel per tuot ils scolars chi frequaintan las scoulas publicas dal consorzi da scoula, inclus la scoulina.</p> <p>²Sco temp d'instrucziun vala il temp da scoula e las posas tanter las lecziuns.</p> <p>³Sco temp da scoula vala il temp d'instrucziun e'l temp dal viadi directamaing da e fin a chasa.</p>

II. Reglas da cuntegn e deport

Disciplina da scoula	<p><u>Art. 3</u></p> <p>¹Il scolars sun in dovair da's cuntgnair tolerant ed esser tolerants tanter dad els ed invers las personas d'instrucziun, las instanzas da scoula e'l personal da scoula.</p> <p>²Il temp e'ls uraris ston gnir resguardats dals scolars.</p> <p>³Il scolars han d'obedir als uordens da las personas d'instrucziun, las instanzas da scoula e'l personal da scoula.</p> <p>⁴Els han d'interlaschar tuot quai chi disturba la gestiun da scoula.</p>
Temp d'instrucziun	<p><u>Art. 4</u></p> <p>¹Dürant il temp d'instrucziun stan ils scolars suot la survaglianza da las personas d'instrucziun.</p> <p>²Sainza permiss d'üna persuna d'instrucziun esa scumandà da bandunar l'areal da scoula o da restar in chasa da scoula.</p> <p>³L'utilisaziun da velos ed oters veìculs es scumandada d'ürant il temp d'instrucziun.</p>
Chasa da scoula / indrizz / material	<p><u>Art. 5</u></p> <p>¹Sainza permiss d'üna persuna d'instrucziun o dal personal da scoula esa scumandà d'entrar in chasa da scoula dadour il temp d'instrucziun.</p> <p>²Las directivas o disposiziuns relaschadas da las personas d'instrucziun, las instanzas da scoula e'l personal da scoula regard l'adöver e la chüra da la chasa da scoula, las localitats e l'areal da scoula sun da respettar. La chasa da scoula, ilsindrizz e'l material da scoula sun da trattar cun chüra.</p>
Fümar / alcohol / drogas	<p><u>Art. 6</u></p> <p>Il fümar, il consüm d'alcohol e da drogas es scumandà d'ürant il temp da scoula, pro arrandschamaints da scoula ed adüna sül areal da scoula.</p>

Sain da not

Art. 7

¹L'ura da sain da not vain fixada dal cussagl da scoula e comunicada a la populaziun. Ella vaglia sco temp d'orientaziun pels rapreschantants legals. Quels decidan l'urari per lur uffants ed han eir il dovair da surveglianza.

²Davo l'ura da sain da not pon gnir utilisats ils indrizzs sül areal da scoula be cun permiss dal cussagl da scoula o in cas excepziunals sco arrandschmaints da scoula o da societats.

III. Chastis disciplinars, cumpetenzas, procedura

Chastis disciplinars

Art. 8

¹Cuntravenziuns al uorden da disciplina vegnan chastidas cun admoniziun, lezchas da chastis, arrest o cun lavur speciala suot surveglianza.

²Dürant l'arrest sto il scolar gnir occupà radschunaivelmaing. L'occupaziun d'urant l'arrest e la lavur speciala suot surveglianza dessan avoir bun sen e star in relaziun culla cuntravenziun disciplinara.

³La d'urada maximala per l'arrest e la lavur speciala importa quatter mezs dis.

Cumpetenzas

Art. 9

¹La persuna d'instrucziun po decretar ün'admoniziun in scrit o a bocca, lezchas da chastis ed arrest fin ün mez di.

²Il cussagl da scoula po decretar tuot ils chastis disciplinaris.

Constataziun circumstanza,
udientscha iuridica

Art. 10

¹La spezcha e las circumstanzas da la cuntravenziun disciplinara sun da sclerir. Il scolar sto gnir tadlà.

²Pro cas chi'd es da preverer arrest sur ün mez di o lavur speciala suot surveglianza, sun da tadlar avant la decisiun eir ils rapreschantants legals. Sün lur giavüsche tils esa da comunicar e motivar la decisiun in scrit.

Recuors

Art. 11

¹Cunter decisiuns da la persuna d'instrucziun po gnir recurrü in scrit pro'l cussagl da scoula. Quel decida definitivmaing.

²Cunter decisiuns cha'l cussagl da scoula tira in prüma istanza, po gnir recurrü pro'l departamaint d'educaziun, cultura e protecziun da l'ambiant dal Grischun.

Entrada in vigur

Art. 12

Quist uorden da disciplina aintra in vigur davo l'approvaziun da la radunanza dal consorzi. El rimplazza il uorden da disciplina dal cumün da Ramosch dals 20 settember 1994 e dal cumün da Tschlin dals 27 november 1989.

Consorzi da scoula Ramosch-Tschlin

il president:


Silvio Zini

l'actuara:


Mengia Soldano